

大日本史

四十二

第八十五號
第一門
第一類

第八十七卷 皇子列傳

仲哀	應神	仁德
復中	反正	允恭
雄略	繼體	宣化
欽明	敏達	用明

內閣文庫	和書類
四一三	冊號
二七二函	架

內閣文庫	番號	和 14111
	冊數	103(42)
	函號	271 80



A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM. Kodak





大日本史卷之八十七

列傳第十四

權中納言從三位源光圀 修

男權中納言從三位綱條 校

玄孫權中納言從三位治保重校

皇子二

仲哀三子

麿坂皇子

忍熊皇子

譽屋別皇子

應神十子

根鳥皇子

稚野毛二派皇子

額田太中彥皇子

大山守皇子

去來真稚皇子

皇太子菟道稚郎子

隼總別皇子

大葉枝皇子

小葉枝皇子

堅石王

仁德二子

住吉仲皇子

大草香皇子
子眉輪王

履中二子

磐坂市邊押磐皇子

御馬皇子

大日本史 卷八十七 夕仁 一

反正一子

高部皇子

允恭三子

皇太子木梨輕

境黑彥皇子

八鈞白彥皇子

雄略二子

磐城皇子

星川稚宮皇子

繼體六子

大郎皇子

椀子皇子

耳皇子

厚皇子

兔皇子

中皇子

宣化二子

上殖葉皇子

火焰皇子

欽明十三子

箭田珠勝大兄皇子

石上皇子

倉皇子

蠟背鳥皇子

椀子皇子

石上部皇子

山背皇子

櫻井皇子

橘本稚皇子

茨城皇子

葛城皇子

埜部穴穗部皇子

橘麻呂皇子

敏達六子

押坂彥人大兄皇子

竹田皇子

尾張皇子

難波皇子

春日皇子

大派皇子

用明六子

聖德太子廢戶 子山背大兄王

麻呂子皇子

來目皇子

殖粟皇子

田目皇子

茨田皇子

仲哀四皇子、神功皇后生應神帝、妃大中姬

生麿坂皇子、忍熊皇子、弟姬生譽屋別皇子、


日本紀○古事記以譽屋別為神功皇后所生

麿坂皇子、與忍熊皇子、並應神帝庶兄也、八

年、帝與皇后征熊襲、明年、帝崩於行宮、皇后

西征三韓還、生應神帝於筑紫、辛巳歲二月、

皇后率百僚、奉梓宮、欲從海路歸京、麿坂忍




熊聞之密謀曰、皇后有子、羣臣皆從、其必立幼主、我何以兄從弟哉、乃託作山陵、往播磨、作舟梁、自赤石及淡路島、宣言取石起陵、乃每人持兵、以要皇后、時倉見別及五十狹茅宿禰黨於麿坂、因以為將軍、發東國兵、麿坂與忍熊狩于菟餓野、祝曰、事若可成、必有大獲、既而共坐假度、有赤猪暴至、噬麿坂而殺

焉、日本紀○古事記曰、麿坂王上歷木而坐、有怒猪、倒歷木而噬殺之。

忍熊皇子、○姓氏錄作與兄麿坂謀發兵會

麿坂死、軍士恐慄、忍熊謂倉見別曰、是大怪也、此地不可以待敵、乃引軍退、屯住吉、皇后聞變、帥舟師到難波、忍熊又退軍菟道、皇后乃至紀伊、三月、使大臣武內及武振熊擊忍熊、武內等出于山背、屯於菟道河北、忍熊出軍將戰、其先鋒熊之凝作歌高唱、以勵其衆、武內解兵斷弦、陽講和、忍熊信之、亦解兵斷弦、投之于河、既度河、武內兵更弦、掩其不意、忍熊謂倉見別、五十狹茅曰、吾既見給、今無



儲兵不可復戰乃引衆而退至逢坂與武內
戰大敗走及狹狹浪栗林士卒潰亡略盡忍
熊窘迫悲歌乃與五十狹茅共投瀨田濟而
死日本紀

譽屋別皇子

應神十一皇子仲姬皇后生仁德帝根鳥皇

子妃高城入姬生額田大中彥皇子大山守

皇子去來真稚皇子宮主宅媛生皇太子菟

道稚郎子弟姬生稚野毛二派皇子絲媛生

隼總別皇子日向泉長姬生大葉枝皇子小

葉枝皇子日本紀宮人迦具漏媛生堅石王古事

記○按日本紀舊事紀共曰帝有男女二十
人而古事記曰皇子十一人皇女十五人凡

二十
六人


根鳥皇子有子曰中日子王伊和島王古事

稚野毛二派皇子○野或
作淳生三男四女男曰

大郎子一名意富富杼王曰取賣王曰沙禰

王長女忍坂大中姬命古事為允恭帝皇后

季女弟姬號衣通郎姬亦入允恭帝宮日本紀



大郎子生彥主人王、彥主人王生男大迹王、

釋日本紀及武烈帝崩、男大迹王即位、是為

繼體帝、日本紀

額田大中彥皇子、帝崩、皇太子與仁德帝相

讓、不肯即位、大中彥因欲領倭屯田屯倉、謂

屯田司於宇宿禰曰、屯田本屬山守地、是以

吾將治之、汝不可掌、於宇不聽、乃訴于皇太

子、太子不受、稟于仁德帝、帝亦不自決、召倭

吾子籠問之、以狀告大中彥、大中彥自服而

止、仁德帝六十二年、大中彥狩于鬪鷄、望野

有如屋廬、使人視之、則窟也、召鬪鷄稻置大

山主、問曰、何窟也、曰、冰室也、掘土丈餘、厚藉

茅茨、藏冰其中、以草覆之、亘夏不泮、比當炎

熱、出而用之、大中彥乃獻之、帝自是每季冬

伐冰藏之、至春分頒之、日本紀

大山守皇子、帝嘗欲立菟道稚郎子為嗣、時

仁德帝及大山守行第在、稚郎子上、帝試設

問、諷其意、大山守對辭忤旨、帝弗悅、及立稚

郎子命大山守掌山川林野明年帝崩大山守素恚不得為嗣重以倭屯田之事舍怨益深時皇太子與仁德帝相讓遜居菟道大山守密圖不軌將襲太子仁德帝知其計告太子紀日本太子乃盛張帳帷于山上為百官環列往來之狀令一舍人佯為太子坐胡床太子自著布衣操楫雜舟子中伏兵於河邊以待大山守不知遲明至河從士數百皆衷甲將上船望見山上帳帷以為太子在焉舟至

中流太子命舟子蹈舷船即傾大山守墮水浮沈伏兵發矢不得著岸遂溺死太子鈎求其屍得之考羅濟收葬那良山日本紀參取古事記去來真稚皇子

皇太子菟道稚郎子幼好讀書師百濟人阿直岐及王仁博通典籍帝甚鍾愛焉二十八年高麗上表曰高麗王教日本國太子讀之大怒召使者責其無禮面裂棄表文四十年正月立為皇太子明年帝崩皇太子讓位於



仁德帝曰、夫君天下以治萬民者、蓋之如天、容之如地、上下相驩、天下安矣、今我弟也、加以不德、何敢承大業乎、大王天姿岐嶷、仁孝遠聞、年齒且長、宜君天下、先帝立我爲太子、豈以才德、唯愛之也、宗廟社稷之重、我何足奉之、且昆上而季下、聖君而愚臣、古今常典、願大王莫疑、速卽帝位、我當爲臣助耳、帝曰、不然、先皇謂皇位不可一日空、豫撰明德、以爲貳祚之、以嗣授之、以民崇其寵章、布聞萬

國、我雖不賢、敢棄先帝之命、固辭不受、太子亦不肯立、而遜于菟道、作宮以居、皇位空者三歲矣、時有海人、獻鮮魚於菟道宮、太子曰、我非天皇也、使之獻難波、帝亦辭、諭以獻菟道、魚餒於路、更獲以獻、讓如前日、魚又餒、海人苦之、棄魚而泣、諺曰、海人乎、因已物以泣、此之謂也、太子曰、我知不可奪兄王之志、豈久生以病天下乎、乃自決、帝聞之、大驚、馳到菟道宮、時已三日、帝標擗叫哭、乃解髮跨屍、

三呼曰、我弟太子、太子迺應聲蘇息起坐、帝曰、何遽至此、死者有知、先帝其謂我何、太子曰、天命也、誰能留之、我見先帝於地下、具奏兄王聖、且有讓、方今聞我死急至、母乃勞乎、請納八田皇女於掖庭、言畢而絕、帝素服舉哀、哭之慟、遂葬於菟道山上、日本紀曰、宇治

隼總別皇子、仁德帝四十年三月、帝欲納嶋

雅彥皇子、我朝之賢明、其死也、遺命散骨、按是時未有異教、蓋後世釋氏作為此說、以誣太子也、故不取、

鳥皇女以為妃、使隼總別通命、隼總別與嶋鳥通、久之不復命、帝未之知、親臨嶋鳥室、時嶋鳥織縑、侍女歌曰、比佐箇多能、阿梅箇儼麼多、謎迺利、餓於瑠箇、儼麼多、波挪步、佐和氣能、瀾於須、譬駭泥、帝乃知隼總別私通、心銜之、○古事記曰、天皇令其弟速總別、王為之、妬不能納、八田若郎女、故吾不欲事之、願為君妻、即相姦、因不復奏、天皇偶幸嶋鳥、王室、嶋鳥王上機、而織、天皇然、帝素友愛、且憚作歌、嶋鳥王亦作歌、答之、然帝素友愛、且憚皇后、隱忍不罪、一日隼總別枕嶋鳥膝而臥、

謂曰、鷓鴣與隼孰捷、曰、隼哉、曰、是我所以先也、帝聞而惡之、隼總別舍人等歌曰、破夜步佐波、阿梅珥能朋利、等弭箇慨梨、伊菟歧餓、宇倍能、娑非歧等羅佐泥、帝聞而大怒曰、朕不欲以私怨滅親、然彼反欲危社稷乎、乃欲殺之、○古事記曰、鷓鴣鳥王見速總別王來、歌曰、比婆理波、阿米邇、氣流、多邇、由玖夜、波、夜、夫、佐、和、氣、佐、邪、歧、登、良、隼、總、別、與、嶋、佐、泥、帝、聞、之、欲、殺、速、總、別、王、鳥逃赴伊勢神宮、帝敕吉備品遲部雄鯽、播磨佐伯阿俄能胡追之、曰、所及即殺之、雄鯽

等追及伊勢、蔣代野、殺之、日本紀曰、速總別王與嶋

鳥王、逃入倉梯山、行到宇陀、蘇邇、為官兵所殺、

大葉枝皇子、

小葉枝皇子、

堅石王、○本書或作加多遲王有子曰久奴王、古事記

仁德五皇子、磐之媛、皇后生履中帝、住吉仲皇子、反正帝、允恭帝、妃日向、髮長、媛生大草香皇子、

住吉仲皇子、履中帝既除喪未即位、欲納羽

田矢代女黑媛為妃、使仲往告期、仲乃佯為
 帝姦之、歸適遺手鈴、翌夜帝至、褰帳而入、牀
 頭有鈴音、帝怪問之、媛曰、非昨夜所賚之鈴
 乎、帝乃知仲姦之、默而去、仲恐誅、舉兵圍宮、
 平羣木兔等奉帝竊逃入倭、仲縱火焚宮、使
 阿曇濱子命淡路海人、扼飛鳥山、帝已至、聞
 有兵、便踰龍田、海人數十追之、反為帝所獲、
 倭吾子籠為仲、以兵拒帝於攪食栗林、見官
 兵多集、乃降、帝使瑞齒別皇子與平羣木兔

赴難波討仲、瑞齒別皇子啗仲所親近隼人

刺領巾以重賞、刺領巾刺仲于厠上殺焉、日本

紀

大草香皇子、古事記作大日下一名波多毗

大郎子、帝為置大日下部、古事記○按草安

康帝立、欲為大泊瀨皇子聘大草香妹、幡梭

皇女、使根使主致其意、大草香對曰、臣近沈

重病、譬如載物于船、以待潮至、然死天命也、

何足惜、但以有孤妹、未能輒瞑而已、今陛下

不嫌其醜陋、將備苜蓿菜之數、恩命之辱、臣何敢辭、因以其私寶押木珠縵者、附根使主曰、菲薄之物、願為信契、卿宜為奏上、根使主愛其美麗、私匿之、佯奏曰、大草香皇子不奉命、乃謂臣曰、彼雖同族、豈得以吾妹為妻邪、帝怒遣兵圍大草香第、攻殺之、帝乃取幡梭為大泊瀨皇子妃、初大草香之遭難也、其臣難波日香蚊抱皇子頸、二子各持一足而呼曰、悲哉、吾主無罪、吾父子三人生事之、死不朽、

是不臣也、即皆自刎、眾為流涕、雄略帝十四年、根使主事覺伏誅、敕求日香蚊後、賜姓大草香部吉士云、大草香妃中蒂姬、生眉輪王、

日本紀

眉輪王、○古事記安康帝元年二月、帝既殺

大草香、取其妃中蒂姬為妃、尋立為皇后、眉輪以母故免罪、養宮中、三年八月、帝幸山宮、宴于樓上、酒酣謂后曰、吾妹○本書註、古俗蓋稱妻為妹、汝雖親昵、唯恐眉輪王長之後、知朕殺其父、

必有報仇之心朕常以為念耳因枕后膝而

臥日本紀王長之後眉輪時年七歲舊事紀

遊戲樓下悉聽其言遂登樓伺帝醉睡刺而

弑之古事記曰取大泊瀨皇子聞變疑諸

兄使之自率兵按劾賊所由眉輪曰臣不求

天位唯報父仇耳水鏡曰眉輪境黑彥皇

子教眉輪俱走匿大臣葛城圓宅大泊瀨皇

子遣使索之圓不出之乃益兵圍宅縱火眉

輪等焚死日本紀

履中二皇子妃黑媛生磐坂市邊押磐皇子

御馬皇子日本紀

磐坂市邊押磐皇子押磐磐一作羽古安

康帝嘗欲傳位押磐豫屬後事大泊瀨皇子

啣之既誅眉輪王遣使誘押磐曰近江狹狹

城山韓侏言來田綿蚊屋野多猪鹿願與皇

子縱獵同娛押磐乃從獵大泊瀨皇子陽呼

曰有猪彎弓而馳射殺押磐帳內佐伯部賣

輪一名抱屍號哭而不去又併殺之日本盛

押磐以槽而埋之。古事記押磐生億計王、弘計

王、橘王及一女。日本紀註○按本書註、收飯

皇女億計王、弘計王避難、走至播磨赤石、語

在顯宗紀、清寧帝崩、弘計王即位、是為顯宗

帝、乃下哀詔、訪求押磐之屍、因召耆老、親臨

問之、有一老嫗名置目、狹狹城山倭倭之妹

也、進言識其所、帝與皇太子將置目幸蚊屋

野、果得焉、臨壙哀慟曰、自古以來、莫如斯慘、

乃欲改葬之、而押磐與佐伯部賣輪同瘞、不

可識別、押磐乳母奏賣輪上齒墜矣、因僅得

辨髑髏、於是起雙冢、葬儀無異、乃誅與殺押

磐者、狹狹城山韓倭、韓倭叩頭乞哀、敕減其

罪、削籍充押磐守冢、隸山部連、倭倭以置目

有功赦、賜其本姓。日本紀特詔處置目於宮側、

朝夕入侍、賞賚優渥、置目年老、行步甚窘、詔

自大殿戶至置目所、直繩繫鐸、緣之出入、且

以代傳謁、二年置目以衰老願歸家、帝為惻

然、賜御製歌及物千段、遣歸之。日本紀參、仁

取古事記、仁

賢帝敕求諸國佐伯部以賣輪後為佐伯造

日本紀

御馬皇子與三輪身狹善至押磐皇子見殺

憂懼無措因往身狹許大泊瀨皇子遣兵徼

之三輪磐井側御馬與戰被獲臨死指井詛

曰此井百姓得飲王者不能飲日本紀

反正一皇子弟媛生高部皇子日本紀

高部皇子

允恭五皇子忍坂大中姬皇后生皇太子木

梨輕境黑彥皇子安康帝八鈞白彥皇子雄

略帝日本紀古事記○按日本紀顯宗紀註

皇曾孫磐城王子孫丘稚子王之女也據此則

皇太子木梨輕帝嘗為定輕部古事記二十三

年三月立為皇太子容姿佳麗同母妹輕大

娘亦豔太子每欲姦之懼罪未果而戀戀殆

將死自以為與其徒死不若遂所欲以獲罪

於是竊通焉明年六月御膳羹冰帝異之命

卜卜者曰有內亂親親相姦耶有人曰皇太

子通大娘皇女、因推問得實、帝謂太子儲貳也、不可加刑、乃流大娘於伊豫、四十二年帝崩、太子暴虐、淫于婦女、羣臣屬心於穴穗皇子、太子密集兵、將襲之、穴穗皇子亦為之備、各造器械、各造器械、據古事記、穴穗括箭、輕括箭、始于此、太子度人心背離、乃匿物部大前之家、穴穗皇子圍之、大前迎謁曰、願勿害太子、臣有所謀、太子遂自殺、或云流于伊豫、日本紀曰、古事記曰、天皇崩、皇太子未即位、軒其妹、輕大郎女、百官民庶悉背、而歸穴穗皇子、太子恐逃入大

前小前大臣之家云云、大前小前大臣捕太子、以降、於是流之伊余湯、臨發、輕大郎女追至、即共自殺、又按水鏡、以為安康帝元年事誤、
境黑彥皇子、為大泊瀨皇子所逼、焚死于大
臣葛城圓宅、坂合部贄抱其尸、亦同焚死、其
舍人等收所燒骨、以其難辨、并盛之一棺、葬
于新漢槻本南丘、日本紀
八鈞白彥皇子、亦為大泊瀨皇子所殺、日本紀
古事記曰、眉輪王逃入圓家、大泊瀨皇子聞變、到黑彥許、與之謀、黑彥不以為意、大泊瀨皇子罵而拔劍殺之、乃到白彥許、亦如黑彥、大泊瀨皇子扼其衿、率至小泊田、堀穴而立

九
瘞之、比沒腰、
兩眼脫而死、

雄略三皇子、妃葛城韓媛生清寧帝、吉備稚

媛生磐城皇子、星川稚宮皇子、日本紀

磐城皇子、帝二十三年、與弟星川焚死、日本紀

星川稚宮皇子、爲人悖戾無行、二十三年八

月、帝疾大漸、遺詔大連大伴室屋等、勿使星

川與政事、帝崩、母稚媛竊謂星川曰、欲登天

位、先取大藏之官、磐城皇子諫曰、皇太子雖

弟、旣正位東宮、安可欺乎、星川不從、據大藏

鎖閉外門、擅用官物、室屋等發軍圍大藏、縱

火、磐城星川及從之者皆焚死、河內三野縣

主小根避火走出、抱草香部漢彥脚求哀、漢

彥爲請室屋而免之、小根乃以難波來目邑

大井戸田十町納室屋、又以田地與漢彥、吉

備上道臣等聞亂、欲援星川、率戰艦四十艘

來、聞其敗而歸、清寧帝遣使讓之、奪其所領

山部、日本紀

繼體九皇子、手白香皇后生欽明帝、妃日子

大日本書紀 卷八十七 夕傳 十一

媛生安間帝、宣化帝、稚子媛生大郎皇子、倭
媛生椀子皇子、耳皇子、美媛生厚皇子、廣媛
生兔皇子、中皇子、日本紀
大郎皇子、
椀子皇子、
耳皇子、
厚皇子、
兔皇子、
中皇子、

宣化二皇子、橘仲皇后生上殖葉皇子、妃大
河内稚子媛生火焰皇子、日本紀
上殖葉皇子、一名椀子、日本紀子曰十市王、十
市王子曰多治比古王、賜姓多治比公、三代實錄
貞觀八年
火焰皇子、
欽明十六皇子、石姬皇后生箭田珠勝大兄
皇子、敏達帝、妃倉稚綾姬生石上皇子、日影
皇女生倉皇子、堅鹽媛生用明帝、蠟背鳥皇

六日... 卷八十七

子、椀子皇子、石上部皇子、山背皇子、櫻井皇

子、橘本稚皇子、小姉君生茨城皇子、葛城皇

子、湍部穴穗部皇子、崇峻帝、糠子生橘麻呂

皇子、日本紀

箭田珠勝大兄皇子、帝十三年四月薨、日本紀

石上皇子、古王

倉皇子、皇子

蠟背鳥皇子、皇子

椀子皇子、皇子

石上部皇子、皇子

山背皇子、皇子

櫻井皇子、有女曰吉備姬王、皇胤 適茅渟

王、生皇極帝、日本紀

橘本稚皇子、皇子

茨城皇子、皇子

葛城皇子、皇子

湍部穴穗部皇子、古事記作三一 名天香

子、又曰住迹敏達帝崩、穴穗部竊懷覬覦時

大日本... 卷八十七... 三十一

羣臣悉集殯宮、穴總部發憤言曰、何故事死王之庭、而不朝生王之所、既而用明帝卽位、穴總部陰謀弗軌、元年五月、欲烝炊屋姬皇后、強入殯宮、三輪逆麾兵衛、鎖門不內、穴總部問曰、何人在此、兵衛答曰、三輪君逆在焉、穴總部七呼、終不開門、於是謂大臣蘇我馬子、大連物部守屋曰、逆屢無禮、前奉誅殯庭曰、不荒朝廷、淨如鏡面、治平奉仕、方今天皇子弟多、且兩大臣在、誰得言專奉仕、其無禮

如此、又余欲觀殯宮、拒而不入、七呼不應、願斬之、二人共曰、唯命、穴總部素與守屋善、便俱率兵圍磐余池邊、逆知之、逃於三諸岳、夜半出山、潛匿炊屋姬皇后別宮海石榴市、爲族人白堤橫山所告、穴總部復遣守屋、擊逆及其二子、因又欲自行、馬子聞之、抵穴總部家、會其出門、乃諫曰、王者不近刑人、請莫自往、穴總部不肯、馬子從到磐余池邊、切諫之、穴總部乃止、踞胡牀以待、守屋還、久之、守屋

至曰誅滅逆等

○本書註一說曰穴穗部皇子自行射殺又曰逆者敏達

帝寵臣悉委内外之事由是明年四月用明

帝崩守屋圖立穴穗部六月馬子奉炊屋姬

皇后詔遣佐伯丹經手土師磐村的真嚙討

穴穗部及宅部皇子宅部與穴穗部最相善

是夜將半丹經手等圍穴穗部宮兵士登樓

擊穴穗部肩穴穗部墜地走入偏室乃舉燭

索而殺之明日誅宅部日本紀曰穴穗部皇子

宅部皇子者用明帝兄弟皇胤紹運錄亦以

宅部為欽明帝之子然日本紀註曰宅部皇

子者檜隈天皇宣化帝也欽明帝雖葬檜隈坂

按檜隈天皇宣化帝也欽明帝雖葬檜隈坂

合陵未見稱檜隈天皇之文日本紀

註既言未詳則無可考定故不取

橘麻呂皇子

敏達六皇子廣姬皇后生押坂彥人大兄皇

子額田部皇后生竹田皇子尾張皇子夫人

老女君生難波皇子春日皇子大派皇子日本

紀

押坂彥人大兄皇子又名麻呂古

○按日本紀用明紀

曰太子彥人皇子古事記亦稱太子然娶糠

其立為太子他無所見蓋追尊而稱乎

手姬皇女、生舒明帝、日本紀中津王、多良王、古事

記○按姓氏錄載大原真人等、出自敏達帝、孫百濟王之後、據此、則多良王上疑脫一久

良、訓百濟相通、又生茅渟王、山代王、笠縫王、及

一女、古事記皇錄茅渟王娶吉備姬王、生皇極

帝、孝德帝、日本紀

竹田皇子、一名小貝、古事記大臣蘇我馬子之

伐物部守屋、與泊瀨部皇子等率兵、進攻守

屋、日本紀

尾張皇子、有女曰位奈部橘王、○本書一作多至波奈大

女郎為聖德太子妃、及太子薨、橘王悲哀上奏

曰、我大王嘗告、世間虛假、唯佛是真、玩味其

法、謂我大王應生於天壽國中、而彼國之形、

眼所叵看、願因圖像、觀大王往生之狀、推古

帝為悽然、乃敕諸采女、造繡帷二張、使東漢

末賢、高麗加西溢等畫而賜之、法王帝說

難波皇子、有子曰粟隈王、自有傳、橘氏系圖

皇子生大侯王、大侯王生栗隈王、今從姓氏錄、公卿補任、

春日皇子、

大派皇子、當舒明帝時、蘇我氏弄權、朝政懈弛、大派憂之、謂蘇我蝦夷曰、羣卿及百寮、朝參甚晚、請自今以後、卯初而朝、已後而退、以鐘為候、蝦夷不從。日本紀

用明六皇子、穴穗部間人皇后生聖德太子、廢戶來目皇子、殖粟皇子、茨田皇子、嬪石寸名生田目皇子、宮人廣子生麻呂子皇子。日本紀


○按本書推古帝元年文以廢戶為第二子、蓋不拘嫡庶、以年齒為次序也。

聖德太子廢戶。○日本紀一說曰、一名豐耳聰、聖德、然日本紀及法王帝

說、聖德太子傳曆、聖德太子傳補闕記、並不書名、聖德、日本紀敏達帝五年書東宮聖德、亦非為名、神皇正統記以聖德為謚、今考元亨釋書、聖德舉太子全行稱、則蓋時人所尊、而稱後世就母穴穗部間人皇后、皇后懷娠、用其號耳。

偶出巡視宮省、至馬官廢戶、不勞而產、因名曰廢戶。日本紀、太子傳曆、生而能言、有聖智、日本紀

數歲與諸皇子集於宮中、相戲口鬪、帝聞取笞而起、諸皇子皆走避、太子獨祖而進、帝曰、汝何爾耶、對曰、天不可階而升、地不可穴而藏、所以進受笞也、帝異之。太子傳補闕記、太子傳補闕記、稍長



好讀書、性最聰敏、兼聽十人訴事、略無違錯、

○按法王帝說、太子傳補闕記、太子傳曆、八人同聲訴事、太子並聽無違錯、故號曰八耳

皇子、帝愛之、居之宮南上殿、因號曰上宮、殿戶

豐聰耳皇子、太子好釋教、博覽典籍、大臣蘇

我馬子亦信佛、敏達帝十四年、馬子有疾、奏

請禱佛、日本帝固不好佛、謂太子曰、我國自

有神、而今馬子請祭異域之神、為之如何、太

子曰、諸佛之道、諸神亦不敢違、今馬子請興

佛法、是國家之福也、帝乃允馬子請、太子是

時天下疾疫、民多死亡、大連物部守屋、中臣

勝海奏、是蓋由馬子興行佛法也、於是帝下

詔、燒祠宇佛像、日本太子馬子深惡二人所

為、太子傳補闕記、太子是歲帝崩、用明帝即位、二年

患瘡、彌留、日本太子晝夜侍側、祈請三寶、口

不絕響、太子傳曆帝因欲歸佛、而先是天子未曾

禮佛、是以召羣臣會議、守屋勝海極陳不可、

馬子曰、唯詔之從、乃引豐國法師于宮中、日本

紀太子握馬子手垂涕曰、三寶妙理、人不之

識妄生異議、今大臣歸心於福田、何喜加之、
 馬子叩頭曰、賴殿下聖德、興隆佛法、臣死之、
 日猶生之年、太子傳曆守屋睥睨大怒、日本紀太子
 謂左右曰、大連迷因果理、禍今將至、但未覺
 耳、太子傳曆或以告守屋、守屋備兵自衛、勝海
 以衆助守屋、太子使舍人迹見赤檮陰殺勝
 海、日本紀參取太子傳曆水鏡帝及大漸與太子誓、造寺
 及藥師佛像、以禱疾瘳、法王說既而帝崩、時繼
 嗣未定、守屋欲立穴穗部皇子、馬子先遣兵

攻穴穗部、日本紀太子頗有言、不聽而殺之、太子

傳曆遂與太子謀殺守屋、時用明帝之喪在殯、

太子束髮於額、○本書註曰、古者小兒十五

為角身隨軍後、守屋兵強、太子自度非假佛

力不能克、乃以白膠木作四天王像、寘於頂

髮中、發誓曰、今若使我勝敵、當為護世四王

創建寺塔、既而守屋敗死、太子乃建寺、安四

天王像、收守屋奴婢資財田宅、悉施捨焉、分

田一萬頃賞赤檮、日本紀崇峻帝立、惡馬子驕



暴密謂太子曰、馬子內恣私慾、外矯飾佛教、而實無忠義之情、汝以為如何、太子對曰、馬

子誠驕臣也、惟陛下忍焉、太子傳、水鏡、帝剛腸嫉

惡、太子傳、曆、時有忿言、馬子聞而懼、密圖不軌、日本

紀太子處其間、兩知其計、而不能匡濟、隱忍

累日、愚管帝遂以弒崩、太子聞而哭曰、過去

報也、太子傳、曆、馬子後捕行弒者東漢駒、數罪殺

之、日本紀、參取天下益憎之、水鏡太子亦曰、雖

有此誅、而弒君之名、千載不能雪矣、太子傳、曆、然

復翻卑附之、無敢與忤、愚管羣臣乃勸進敏

達、帝皇后臨朝、是為推古帝、推古帝元年、立

為皇太子攝政、以萬機委焉、二年詔太子及

馬子、興隆佛法、於是諸臣連等競造佛塔、是

謂寺、三年高麗僧慧慈來、太子師之、日本紀從

受五戒、做浮屠之號、自命曰勝鬘、四天王寺手印記

十一年、太子始制冠位十二階、事詳于職官

志、明年制憲法十七條、一曰、以和為貴、無忤

為宗、人皆有黨、亦少達者、是以或不順君父、

乍違于隣里、然上和下睦、諧於論事、則事理自通、何事不成、二曰、篤敬三寶、三寶者佛法僧也、則四生之終歸、萬國之極宗、何世何人、非貴是法、人鮮尤惡、能教從之、其不歸三寶、何以直柱、三曰、承詔必謹、君則天之、臣則地之、天覆地載、四時順行、萬氣得通、地欲覆天、則致壞耳、是以君言臣承、上行下靡、故承詔必慎、不謹自敗、四曰、羣卿百寮、以禮爲本、其治民之本、要在乎禮、上不禮而下非齊、下無

禮、以必有罪、是以君臣有禮、位次不亂、百姓有禮、國家自治、五曰、絕饕棄欲、明辨訴訟、其百姓之訟、一日千事、一日尚爾、况乎累歲、須治訟者、得利爲常、見賄聽讞、便有財之訟、如石投水、乏者之訴、似水投石、是以貧民則不知所由、臣道亦於焉闕、六曰、懲惡勸善、古之良典、是以無匿人善、見惡必匡、其諂詐者、則爲覆國家之利器、爲絕人民之鋒劍、亦佞媚者、對上則好說、下過逢、下則誹謗、上失其如

此人皆無忠於君、無仁於民、是大亂之本也。
七曰、人各有任、掌宜不濫、其賢哲任官、頌音
則起、奸者在官、禍亂則繁、世少生知、尅念作
聖、事無大小、得人必治、時無急緩、遇賢自寬、
因此國家永久、社稷勿危、故古聖王爲官、以
求人、不爲人求官、八曰、羣卿百寮、早朝晏退、
公事靡盬、終日難盡、是以遲朝不逮于急、早
退必事不盡、九曰、信是義本、每事有信、其善
惡成敗、要在乎信、君臣共信、何事不成、君臣

無信、萬事悉敗、十曰、絕忿棄瞋、不怒人違、人
皆有心、心各有執、彼是則我非、我是則彼非、
我必非聖、彼必非愚、共是凡夫耳、是非之理、
詎能可定、相共賢愚、如環無端、是以彼人雖
瞋、還恐我失、我獨雖得、從衆同舉、十一曰、明
察功過、賞罰必當、日者賞不在功、罰不在罪、
執事羣卿、宜明賞罰、十二曰、國司國造、勿斂
百姓、國非二君、民無兩主、率土兆民、以王爲
主、所任官司、皆是王臣、何敢與公、賦歛百姓、

十三日、諸任官者、同知職掌、或病、或使、有關於事、然得知之日、和如曾識、其以非與聞、勿妨公務、十四日、羣臣百寮、無有嫉妬、我既嫉人、人亦嫉我、嫉妬之患、不知其極、所以智勝於己、則不悅、才優於己、則嫉妬、是以五百之後、乃令遇賢、千載以難待一聖、其不得賢聖、何以治國、十五日、背私向公、是臣之道矣、凡人、有私、必有恨、有憾、必非同、非同則以私妨公、憾起、則違制害法、故初章云、上下和諧、其

亦是情歟、十六日、使民以時、古之良典、故冬月有間、可以使民、從春至秋、農桑之節、不可使民、其不農、何食、不桑、何服、十七日、夫事不可獨斷、必與衆論、少事是輕、不可必衆、唯逮論大事、若疑有失、故與衆相辨、辭則得理、十八年、移居班鳩宮、日本紀十四年、帝令太子講勝鬘法華二經、引諸名僧於前、論問、太子法服、升法座、揮麈尾、酬應、帝嘉之、詔賜播磨水田一百町、日本紀、參取太子傳曆太子嘗疑法華經有



大日本史 卷八十七 列傳 三十一

脫字欲得全經太子傳曆十五年奏請使大禮小

野妹子聘于隋日本紀其書皆太子之詞也明

年妹子獲經而歸十九年五月五日帝將幸

菟田觀野人逐獸太子諫曰佛教五戒一為

不殺生儒之所謂仁也願陛下永斷此事帝

納之太子傳曆自是每歲以此日採藥名曰藥獵

日本紀二十二年馬子疾太子奏為馬子度僧

尼一千人日本紀參取二十五年帝令太子

重講勝鬘經馬子因讚揚太子功德請賞其

勞帝大喜益太子湯沐邑加給東宮俸二倍

于常式太子皆施之其所創寺太子傳曆二十八

年與馬子撰天皇記國記及臣連伴造百八

十部公民本記日本紀二十九年先是太子疾

帝使田村皇子視疾且問所欲言太子便附

田村皇子報奏而其所言不過紹興佛法造

修伽藍事扶桑略記參二月薨于班鳩宮日本

紀年四十九水鏡法王帝說太子葬磯長陵

日本紀天下莫不哀惜哭泣之聲滿行路踰月

大日本史 卷八十七 列傳 三十一

不絕

日本紀參取太子傳曆

世傳太子生也身有異香

太子傳

補闕記

手拳不啓

神皇正統記

二歲二月東

向稱南無佛

水鏡太子傳曆

自啓手出佛舍利云

神皇

正統

及長常修梵行嘗遊片岡山視飢者問

其姓名不言太子命與飲食自解衣覆之明

日遣人視之已死乃棺斂葬其所後數日太

子謂左右曰前日飢者是真人也復遣人開

墓視之棺中唯有衣時人甚驚異焉

○按太子傳曆

太子傳補闕記載飢者歌而日本紀有太子歌無飢者歌今考帝說巨勢三枝歌三首其

一曰伊加留我乃斗美能乎何波乃多曳婆

許曾和我於保基美乃彌奈和須良叡米傳

曆補闕記以為初欽明帝十三年百濟始獻

佛像經論帝疑之未信歷問羣臣蘇我稻目

最先信其道物部尾與中臣鎌子固執正議

排之是以其法廢而不行及太子與馬子相

得殺守屋勝海而其道始熾不數十年寺四

十六所僧尼一千三百八十餘人

日本紀

太子

所建寺曰四天王法隆中宮橘樹蜂岡池後

葛城元興日向定林法興

參取法王帝說太子傳曆元亨釋書

所著有勝鬘維摩法華經疏號曰上宮疏皆得深義云太子傳曆太子傳補闕記世稱上宮法王或稱

法主王法王帝說太子有八男六女長曰山背大

兄王次財王日置王長谷王三枝王伊止志

古王麻呂古王白髮部王○按皇胤紹運錄太子傳曆多以用

明皇子為太子子今從法王帝說山背大兄王於諸子最賢法王帝說推古帝大漸

田村皇子入受遺詔又召大兄詔汝肝稚雖

有意望勿誼言必從羣議帝崩大臣蘇我蝦

夷乃會羣卿於私第宣二王子所受遺詔羣

議未決大兄聞之遣三國王櫻井和慈古密

謂蝦夷曰聞舅欲以田村皇子即位我思之

未得其理願明聞舅意蝦夷乃使阿倍麻呂

等往啓大兄曰賤臣何輒定嗣位惟舉遺詔

以告羣臣羣臣並言如遺詔則田村皇子自

當嗣位是羣卿言也非特臣心臣雖有微意

不可傳啓願得間面言大兄使人問麻呂等

曰遺詔如何對曰臣等不知其詳唯聞大臣

曰遺詔如何對曰臣等不知其詳唯聞大臣

所宣曰、先帝大漸之日、詔田村皇子曰、國政非輕、汝慎言之、次詔大王曰、汝肝稚、勿誼言、必宜從羣議、是乃諸女王及采女等所悉聞也、大兄又問曰、遺詔誰專聞之、曰、臣等不知其密、大兄乃令告麻呂等曰、我舅甚勞思、匪帝介使之命、特遣重臣、厚見教諭、寔大恩也、然今羣卿所稱遺詔者、與我所聞小異、我嚮聞先帝不豫、馳詣闕下、中臣彌氣自禁省出、曰、天皇召王、乃進向閤門、栗隈采女黑女來

迎庭中、引入大殿、栗下女王及女孺鮪女等數十人侍帝側、田村皇子亦在焉、帝大漸、弗能覩我、栗下女王奏曰、山背大兄王至、帝起而詔曰、朕以寡薄、久承大業、今曆運將終、病不可諱、汝本爲朕腹心、愛寵之情、不可爲比、夫國家大器、非唯朕世、自古難之、汝雖肝稚、慎以言、當時左右近習咸知之、我蒙此大恩、一則以喜、一則以悲、不知所爲、意謂宗廟社稷重事也、我眇小不賢、何敢當此、卽欲告舅

及羣卿而未得其間、以迨今日耳、我曾訊舅
 病抵京師、居豐浦寺、是日先帝遣八口采女
 鮪女傳詔曰、汝舅大臣常為汝言、百歲之後、
 嗣位非當汝乎、故慎自愛、既有是事、何疑也、
 然我非貪天下、唯告所聞、神祇證之、今羣卿
 者、設如執嚴矛者、○釋日本紀曰、執嚴能取
 其中、明復我舅、時泊瀨仲王、○按法王帝說
 谷王、其母膳部氏、泊瀨長谷、訓讀、疑此人
 歟、然下文曰、我等父子自蘇我氏出、據此大
 兄娶蘇我氏生泊瀨、○蘇我氏出、據此大
 瀨王乎、今無所考、別喚中臣彌氣及河邊臣

謂之曰、我等父子、並自蘇我出、天下所知、是
 以恃之、如高山、願嗣位、勿輒言、乃遣三國王、
 櫻井和慈古、與阿倍麻呂等俱往、請聞其答、
 蝦夷令紀鹽手、大伴鯨謂之曰、前日言訖、無
 復異、臣敢輕何王、重何王、數日大兄又遣和
 慈古告蝦夷曰、前日之事、唯陳所聞耳、寧違
 舅哉、是日蝦夷有疾、不見、明日召和慈古與
 麻呂等、啓大兄曰、從磯城島宮御宇天皇、以
 逮近世、賢哲輔政、今臣承乏、謬居羣臣上、不

得以定策、而此事至重、不可傳道、唯願面啓、
 不誤遺教、先是蝦夷私與境部摩理勢議所
 立、摩理勢欲立大兄、至是復問摩理勢、固執
 不移、遂到班鳩、居泊瀨王宮、○按泊瀨王、蓋
泊瀨仲王也、
 蝦夷怒、遣羣卿請大兄捕之、大兄答曰、摩理
 勢聖王所好、而暫來耳、我豈違舅情乎、願勿
 咎、乃謂摩理勢曰、汝不忘先王之恩而來、然
 因汝一人、天下應亂、先王臨歿、教諸子曰、諸
 惡莫作、諸善奉行、我承斯言、以為永戒、故雖

有私情、隱忍而不言、亦莫以為怨、我切不欲
 違舅氏、願自今改心、以從羣議、諸大夫亦誨
 摩理勢、莫逆此命、於是摩理勢還家十餘日、
 泊瀨王病薨、蝦夷奉田村皇子即位、是為舒
 明帝、至于皇極、帝踐阼、蝦夷子入鹿專政、欲
 以古人大兄為嗣、忌大兄等名、振天下、謀除
 之、二年十一月、遣軍衆于班鳩、襲大兄等、奴
 三成與舍人數十拒戰、射其將土師猪手、殺
 之、軍衆怖退、相謂曰、一人當千、三成之謂乎、

大兄置馬骨内寢、竊與子弟妃妾乘間逃匿、
 膽駒山、軍衆縱火燒宮、見燼骨以為大兄等
 皆死也、解圍而去、大兄等在山中、絕糧數日、
 三輪文屋勸曰、請就深草屯倉得馬、赴東國、
 賴乳部、興師還戰、其必克之、大兄曰、卿言固
 然、但我嘗願十年不役民、且以一身故、何害
 百姓、又不欲俾民言由我亡其父母、夫捐身
 安國、豈不大丈夫歟、何必戰勝是務、已而入
 鹿、聞大兄等在山中實未死、而大懼、速遣兵

索之、終不能獲、大兄等還入斑鳩寺、兵復來
 圍、大兄使文屋謂諸將曰、吾若起兵討入鹿、
 取勝必矣、然吾不欲以一身之故、傷殘百姓、
 故今以吾身賜入鹿、乃與子弟妃妾自經死、
 時人云、時幡蓋伎樂見於空中、指示入鹿、變
 為黑雲、日本紀大兄生難波麻呂古王、麻呂古
 王、弓削王、甲可王、尾張王、及二女、法王帝說
 子有麻呂古、此可疑、太子傳曆難波麻呂古
 王作難波王、麻呂古王作末呂女王、蓋或得
 實傳曆又載佐至大兄等薨、廢戶子孫男女
 佐王為八人

悉絕、先是有童謠曰、伊波能杯爾、古佐屢渠
 梅野俱、渠梅多爾母、多礙底騰哀羅栖、歌麻
 之、之能鳥賦、時人說之曰、伊波能杯爾、喻上
 宮、古佐屢喻入鹿、渠梅野俱、喻燒上宮、渠梅
 陀爾母、陀礙底騰哀羅栖、柯麻之、之能鳴賦、
 喻山背王頭髮斑雜、色似山羊毛、又曰、棄宮
 匿山之兆也、紀日本
 麻呂子皇子、又名當麻、推古帝十一年春、征
 新羅大將軍來目皇子途病薨、四月以麻呂

子代之、七月從難波發船、妃舍人姬自從、至
 播磨赤石、舍人姬薨、乃葬之檜笠岡上、於是
 麻呂子亦不果行而歸京師、紀日本 麻呂子嘗
 受聖德太子教、創萬法藏院、推古帝敕為官
 寺、當麻寺是也、古今著聞集、元亨釋書、
 來目皇子、麻呂子異母弟也、推古帝十年為
 征新羅將軍、將衆二萬五千、以討新羅、四月
 到筑紫屯島郡、大聚船隻、運輸資糧、六月來
 目遇病不得發、明年二月遂薨、于筑紫、帝聞

大驚謂皇太子及大臣蘇我馬子曰皇子方臨大事其功不遂朕甚悲焉乃遣土師猪手殯于周防娑婆後葬於河内埴生山岡上

日本

殖粟皇子

田目皇子一名豐浦

○法王帝說曰用明帝崩後田目王烝穴太部

間人皇后生佐富女王然他無所見故不取

茨田皇子

大日本史卷之八十七終

